

>USIM laung amaran

>>Oleh Aida Adilah Mat

aida@hmetro.com.my

S KUAD lelaki Universiti Sains Islam Malaysia (USIM) A dan B sudah bersedia menyahut cabaran Karnival Futsal i-Metro-FAM 2008 Zon Timur dalam usaha memburu lapan tempat terbaik sekali gus melayakkan diri buat pertama kali ke Grand Final.

Dengan kombinasi pelajar senior dan junior, kaptenya, Mohd Farid Sulaiman melaungkan amaran tidak akan memberi laluan mudah kepada lawan yang bakal ditemui di Sports Planet Gong Badak, Kuala Terengganu.

Farid berkata, memang ada perbezaan antara pasukan A dan B. Jika A sudah mempunyai pengalaman beraksi dalam banyak kejohanan, penyertaan pasukan B pula lebih menjurus untuk menimba



SEDIA...pasukan USIM A dan B bersedia memberi cabaran.

pengalaman. Katanya, biarpun USIM bukanlah pasukan digeruni namun sudah bersedia aspek mental dan fizikal.

"Kami mendapat suntikan semangat daripada pegawai sukan, Nurikmal Bukhary yang memberi sokongan untuk berjaya dalam futsal.

"Bantuan kewangan yang diberikannya juga menyemarakkan semangat

kami untuk lebih kuat menjalani latihan agar tampil sebagai lapan pasukan terbaik," katanya.

Mereka mendapat bimbingan jurulatih Asrul Kamarulzaman dengan berlatih dua kali seminggu pada Khamis dan Jumaat bagi memperkuatkan barisan serangan dan memperbaiki segala kelemahan menjelang pertarungan sebenar.